

տոննական ուամունքի թե՛ տեսականապես, թե՛ գործնականապես ձևավորման համար և մյուս կողմից դյուրացրել է այդ նոր ուամունքի ընդունելությունը նաև Հայկական լեռնաշխարհում: Այդ տոները շատ ավելի հին էին, քան թե հնդեվրոպական էթնիկ տարրի հաստատվելն ուրարտական ներքնաշերտի վրա: Պետք է բավականաչափ հիմնավորված համարել այն ենթադրությունը, որ Վարդ աստվածը ժառանգված է ուրարտական աշխարհից և համապատասխանում է Ուրարտուի Ard՝ Արդինի աստվածության ուրարտական երրորդության՝ Խալդ և Տէլշերա աստվածներին կից երրորդ անդամին: Ատախ և Կիբէլայի առասպելի մի անդրադարձում ուրարտական աշխարհի մեջ պահպանված՝ կարելի է համարել նաև այն ծառի պատկերը, որը գծված է Վանա պեղումների միջից հանած մի կնիքի վրա, որը Բ. Բ. Պիոտրովսկին⁵⁶, հետևելով Պֆեֆերին, բացատրում է որպես կառքով տեղափոխվող ծառի նկար: Ծառի այս եղանակով փոխադրումը, ինչպես հայտնի է, տեղի էր ունենում Ատախ-Կիբէլային նվիրված տոնակատարությունների ժամանակ: Այդ առասպելի մի մանրամասնությունն ևս կարելի է նշել Զանգեզուրում պահպանված մի ավանդության մեջ: Ասում են, թե Միծեռնավանքի անունը առաջ է եկել ծիծեռնը՝ ճկույթ-մատ անունից, որովհետև իբր թե այդտեղ է ամփոփված Պետրոս Առաքյալի ճկույթ մատը⁵⁷: Սակայն ճկույթի այս պաշտամունքը պետք է կապել ոչ թե Պետրոս Առաքյալի, այլ Ատախի հետ, որի մասին առասպելը պատմում է, որ երբ նա անձնասպանություն գործեց, Կիբէլան Զևսին աղերսում էր, որ նրա մարմինը անապակ մնա: Կիբէլայի այդ աղերսանքը կատարվում է: Ատախի մարմինը չի հյուծվում և չի նեխվում, սակայն միայն նրա մազերն են, որ շարունակում են երկարել, և ճկույթն է, որ երբեմն շարժվում է: Ահա այդ Ատախյան ճկույթի պաշտամունքն է, որ պահպանվում էր փոյուզիական աշխարհից շատ հեռու, արևելքում՝ Զանգեզուրում: Առհասարակ աչքի է ընկնում այն երևույթը, որ Զանգեզուրում, որն աշխարհագրական տեղադրությամբ մոտիկ է Իրանին, իրանական կրոնական աշխարհայացքի անդրադարձումը տեղական հավատալիքների վրա ավելի ցայտուն չի նշմարվում և ուժեղ կերպով, քան թե ավելի արևմուտք տարածված հայաբնակ գավառներում է եղել և այստեղ էլ փոքրասիական հնագույն մտածողությունը ըստ ամենայնի մնում է ամուր, ուժեղ ու անխախտ:

ԼԵՌՆԵՐԻ ՊԱՇՏԱՄՈՒՆՔ

Ժողովրդական տոներից մեկը, որն առանձնապես խոշոր շափերով պահպանել էր իր մեջ նախնական մտածողության բնորոշ սովորությունները, Վարդավառի տոնը նվիրված էր լեռների գագաթների պաշտամունքին: Այս տոնը տարբեր մանրամասնություններով կատարվում էր բոլոր հայաբնակ գավառներում, սկսած Ղարաբաղ-Զանգեզուրից մինչև Փոքր Ասիայի հայկական

⁵⁶ Բ. Բ. Пиотровский, История и культура Урарту, Ереван, 1944, էջ 278:

⁵⁷ Լալայեան Ե., Զանգեզուր, էջ 48: Վանքը գտնվում է Գորիսից հյուսիս մի քսան կմ հեռավորության վրա, ինստիտուտից ոչ հեռու: Ուխտը համբարձման և ս. Խաչի օրն է: Մեծ ուխտատեղի էր ոչ միայն հայերի, այլև մահմեդականների համար: Սասունում, Լիսանք գավառակի սահմանի մեջ, Մարաթուկ սարի վրա կառուցված Գոմոց վանքը կոչվում է նաև Ոսկե ճկուտ վանք կամ Մատեն առաքյալի վանք. ասում են, թե այդտեղ է դրված Հոռմից բերած Պետրոս Առաքյալի ճկույթը: